

Inatsisartut suleriaasianni § 33 naapertorlugu aalajangiiffigisassatut siunnersuut manna matumuuna Naalakkersuisunit saqqummiunneqarpoq:

Kalaallit Nunaanni eqqartuussisarnermik inatsisip allanngortinnissaanut inatsimmut missingiut (Pinerlunnernit eqqorneqartut inatsisitigut inissisimanagerannik pitsanngorsaaneq) aamma Pinerlunnernit eqqorneqartunut naalagaaffimmit taarsiissutit pillugit inatsisip allanngortinnejarnissaanik inatsisit assigiinngitsut kunngip peqqussutaatigut Kalaallit Nunaannut atortuulererannik peqqussummut missingiut pillugit Inatsisartut aalajangiiffigisassaattut siunnersuut.

(Isumaginninnermut, Ilaqtariinnut Inatsisinillu Atuutsitsinermut Naalakkersuisoq)

Tunngavilersuineq

Kalaallit Nunaanni eqqartuussisarnermik inatsisip allanngortinnissaanut inatsimmut missingiut (Pinerlunnernit eqqorneqartut inatsisitigut inissisimanagerannik pitsanngorsaaneq) aamma Pinerlunnernit eqqorneqartut naalagaaffimmit taarsiissutit pillugit inatsisip allanngortinnissaanik inatsisit assigiinngitsut kunngip peqqussutaatigut Kalaallit Nunaannut atortuulererannik peqqussummut missingiut tunngaveqarpoq Naalakkersuisut tigusaqarsimapput.

Inatsisissatut siunnersuut danskit eqqartuussisarnermik inatsisaani allanngortitsinernik sisamanik tunngaveqarpoq, taakkulu 2007-imi aallartittumik naammassineqartarsimapput, taakkulu kalaallit eqqartuussisarnermik inatsisaannut ilanngunnejarnissaat pillugu Namminersorlutik Oqartussat Justitsministeeriaqarfimmum qinnuiginniqapput.

Pinerluttulerinerimi suliani, suliassani eqqartuussisutigoortuni aamma qanoq naammassineqarnissaannut tunngasuni, eqqugaasup inatsisitigut inissisimanagerata pitsanngorsaavagineqarnissaai inatsisissatut siunnersuummi siullertut siunertarineqarpoq, tassami tassani ilaatiqut eqqugaasumut imaluunniit taassuma qanigisaanut qimataasunut nalinginnaasumik politiit ilitsersuisussaatitaanerat eqquneqassasoq siunnersuutigineqarmat. Tamatuma saniatigut pinerluttulerinerimi suliamut atatillugu aalajangiinerit arlallit pillugit eqqugaasoq taassumaluunniit qanigisai qimataasut tusarlerneqartassasut siunnersuutigineqarpoq.

Pinerluuteqarsimasup iperagaanera pillugu imaluunniit pineqaatissinneqarnerup nalaani Kalaallit Nunaanni aallakaatinneqartussatut sananeqartuni tv-kkut radiokkulluunniit immiussanut imaluunniit kalaallit aviisiini pineqartoq pillugu allaatigisaqarnermut peqataasimanera pillugit, eqqugaasup tusarlerneqarnissamut periarfissaata annertusineratigut, eqqugaasunut suliniuteqartarnerup patajaallisaavagineqarnissaai inatsisissatut siunnersuummi aappaattut siunertarineqarpoq.

Pingajuattut inatsisissatut siunnersuummi suliniuit arlallit eqqunneqassapput, taakkulu pinerluttulerinerimi suliani ilisimannittut illorsorneqarnerunissaat siunertaraat.

Inatsisissatut siunnersuummut missingiummi aamma peqqutissamut missingiummi pingarnerpaatut sammineqartut makkuupput:

Ilitsersuisarneq paasissutissiisarnerlu

Eqqugaasut imaluunniit eqqugaasoq toqukkut qimagussimappat, eqqugaasup qanigisaanut pineqartup inatsisitigut inissimanera pillugu politit ilitsersuisarnissamik pisussaaffilernissaat eqqunneqassasoq siunnersuutigineqarpoq. Assersuutigalugu eqqugaasunut taarsiissuteqarnissamut akisussaanermut inatsit naapertorlugu kiisalu eqqugaasup suliap ingerlanerani upternarsaanissamut pisinnaatitaaffii pisussaaffiilu pillugit, kiisalu pineqartup pisinnaatitaaffii pillugit eqqugaasoq pisariaqartitsineq naapertorlugu ilitsersorneqartarnissaa siunnersuutip ilaatigut kingunerissavaa. Ilitsersorneqarnissamik pisariaqartitsineq suliamit suliamut allanngorartartussaassaaq, ilitsersuinissamullu pisussaaffimmi pineqartut sukumiinerusut pinerluttulerinermut suliani ataasiakkaani pissutsit aalajangersimasut sapinngisamik aalajangiisuuusariaqarput.

Nalunaartarneq naammagittaalliorsinnaanerlu

Pinerluffigineqartup eqqartuussivinni inatsisitigut inissimanerata nukitorsaaffiginissa siunertaralugu pinerluffigineqartoq taannaluunniit toqukkut qimagussimappat qanigisaasut unnerluussutit itigartitsissutiginerannut, unnerluussutit taamaatiinnarnerannut aamma unnerluussutit unitsinnerannut kalerrinneqartassasut siunnersuutigineqarpoq kiisalu pingarnertut isumaqatigiinniarnissamut unnerluussisoqarneranut piffissaliinernullu kalerrinneqartassasut. Suliaq naammagittaalliuutigineqarsimappat aallarteqqinneqarpalluunniit pinerlunnermik eqqugaasoq taassumaluunniit qanigisai qinnuiginnitooqarneratigut tamanna pillugu aamma kalerrinneqassapput. Pinerluttulerinermik suliami inuit saqitsaannerinik suliassamik piumasaqaateqartoqarsimatillugu, piumasaqaat pillugu eqqartuussiviup aalajangernera pillugu eqqugaasoq allallu eqqartuussiviup kalerrittassagai, aamma eqqugaasup tamanna piumasarismappagu, eqqartuussutip takussutissartaanik eqqugaasoq nalunaarfingissagaa naggiullugu siunnersuutigineqarpoq.

Pinerlineqartumut ikuuttussamik toqqaasarneq

Pinerlineqartumut ikuuttussamik toqqaasarneq pillugu malittarisassanut atuuttunut ilassutit aalajangersakkamik eqquissisoqarnissaa siunnersuutigineqarpoq, tamatumalu kingorna pisut immikkorluinnaq ittut pisariaqartippassuk, pinerlunnermik eqqugaasumut eqqartuussivik illersuisussanngortitsissaaq. Pisuni taaneqartuni inatsisinik unioqqutitsinerup suussutsimigut aalajangersimasuunissaa aalajangiisuuusariaqanngilaq, paarlattuanilli pisut aalajangersimasut eqqugaasup illersuisoqartariaqarneranut aalajangiisuuusariaqarlutik. Ilanngullugu malittarisassamik eqquissisoqarnissaa siunnersuutigineqarpoq, tamatumalu kingorna qanigisaasut pisariaqartissimappassuk eqqugaasoq pinerlunnerup kingunerisaanik toqukkut qimagussimatillugu eqqugaasup qanigisaanut eqqartuussivik illersuisussanngortitsissaaq.

Eqqartuussivinni suliaqarnerit nalaanni eqqorneqartup najuussinnaanera

Aalajangersakkamik eqquissisoqarnissaa aamma anguniarneqarpoq, tamatumalu kingorna, matumik matoqqatitsinissamut siunertarineqartumut akerlerineqanngippat, eqqugaasoq eqqartuussinernut matoqqasunut najuunnissaminut pisinnaatitaalissaq. Taamatut qinnuiginnitooqartillugu eqqartuussivimmi siulittaasooq isummertariaqassaaq. Pinerluummik eqqugaasoq nammieerluni nassuiaanissaa sioqqullugu eqqartuussinermut matoqqasumut nalinginnaasumik suli isiginnaaqquaassanngilaq.

Anisoqassatillugu iperagaasoqartillugulu il.il. kalerriisarneq

Eqqugaasoq tamanna pillugu qinnuiginnissimatillugu, suliani pinerluttulerinermi inatsimmik sakkortuumik unioqqutitsinernut isertitsivimmiittussanngortitsinermik pineqaatissiisoqarsimatillugu, tassani nakuusernerit, siorasaarinerit imaluunniit inummut annertuumik navialisitsisinnaasumik pinerlunnerit pineqarsimatillugit, eqqartuunneqartup siullermeerluni ingialorteqarnani aninissaanut iperagaanissaanullu piffissaq pillugu

kalerrinneqartarnissaat siunnersuutigineqarpoq, matumani misiligummik iperagaaneq qimaasoqarsimappallu qimaasimaneq pillugu kalerriineq ilanggullugit. Eqqugaasoq toqukkut qimagussimappat, tamannalu pillugu pineqartut kissaateqarsimappata, eqqugaasup qanigisai kalerrinneqassapput. Pinerluuteqartumut tunngatillugu mianerisassat pingaaruteqartut pissutissaqalersippassuk, kalerriinissaq itigartinneqarsinnaavoq. Pinerlussimasoq eqqartuussutip atortussanngortinnissaat sioqqullugu iperagaasimanani tigummigallarneqarsimappat, aatsaat kalerriisarnermut aaqqissuussinerup atortarnissaat aalajangersagassatut siunnersuummi aamma aalajangersaaffigineqarpoq. Pisuni pinerlussimasoq pineqaatissiinerup nalaani aamma isertitsiviup ilaani isertitsiviup ilisimasaanik tv-kut radiukkulluunniit aallakaatitassiani Kalaallit Nunaanni allakaatinneqartussatut suliaasuni peqataasimappat, tassanilu pineqartoq immikkut saqqumisimappat imaluunniit kalaallit aviisiini imminut ilisaritilluni apersorneqarsimappat, taamatut pisoqarsimatillugu qinnuiginnitoqarneratigut eqqugaasup kalerrinneqartarnissaat aamma siunnersuutigineqarpoq. Isertitsivik tamatumunnga ilisimannilluni anisoqarnissaanik akuersisimatillugu, isertitsiviup avataani tv-kut radiukkulluunniit aallakaatitassat apersorneqarnissalluunniit immiunnissaannut pineqartoq peqataasimappat tamanna aamma atuuppoq.

Ilisimannittut nassuaateqarnermikkut illersugaanissaat

Kiisalu ilisimannittut nassuaateqartussat illersorneqarnerulernissaat anguniarlugu arlalinnik suliniuteqartoqarnissaat siunnersuutigineqarpoq. Siullertut eqqartuussisarnermik inatsimmi aalajangersakkamik eqqussisoqarnissaat siunnersuutigineqarpoq, tassani ilisimannittup eqqartuussivimmi najuunnissaanut atatillugu immikkut pisariaqartitsisoqartillugu, politiit eqqartuussivimmut kalerriisassasut, eqqartuussivillu pisariaqartitsineq naapertorlugu ilisimannittumut ikuuttassasoq. Ilisimannittup allalluunniit eqqortumik nassuaanissaat anguniarlugu pisariaqartinneqarpat, inuit eqimattakkaalluunniit aalajangersimasut eqqartuussinernut isersinnaatitaassanngitsut, eqqartuussivillu tamanna pillugu aalajangeereertarsinnaasoq, ilanggullugu siunnersuutigineqarpoq. Tamatuma saniatigut immikkut pisariaqartinneqarsimappat, ilisimannittut nassuaanissamut ungasissumut attaveqaatit assitallit atorsinnaanissaannut periarfissat inatsisissatut siunnersuummi annertusineqarput.

Naalagaaffimmijit il.il. piffissaliussat taarsiissuteqarnissallu annertusineqarnerat

Taarsiivigineqarnissamik piumasaqarsinnaaneq pillugu politiinut nalunaarutiginninnissaq qaqugukkut piisanersoq pillugu piffissaliussat sivitsorneqarnerat peqqussutissatut siunnersuutip kinguneraa, tassungalu atatillugu taarsiivigineqarsinnaanermut, ajoquusersimasup ajoquisiisumut suliassiisummiik pillaatissartalimmik suliassiisimatillugu taarsiivigineqarnissamik piumasaqarsimanissa piumasaqaataasoq aammattaaq aalajangerneqarpoq. Tassunga atatillugu suliat aalajangersimasut allattorneqarsimasut siuliani piffissaliussami (nalunaaquttap akunneri 72-it) ilaatinneqannginnissaat pillugu aalajangersakkamik ilangussisoqarnissaat siunertaavooq.

Tamatuma saniatigut inatsimmi piumasaqaatit allat naammassineqarsimappata unnerluunneqartorlu eqqartuussissutip sularinerani pinngitsuutitaasimagaluarpaulluunniit taarsiissutit tunniunneqarnissaat pilligit aalajangersakkamik ilangussisoqarnissaat siunniunneqarpoq.

Naggataagut piumasanik 3.500 kr.-nit angullugit naleqartunik piaartumik tunniussisoqartarnissaat pillugu aalajangersakkamik ilangussisoqarnissaat siunniunneqarpoq.

Naalakkersuisut missingiummut oqaaseqaataat

Namminersorlutik Oqartussat aalajangiiffisassatut siunnersuutip matuma saqqummiunneqarnissa pillugu Justitsministeeriaqarfimmut 2016-imi qinnuiginissimapput. Eqqugaasut inatsisitigut inissisimanerisa pitsanngorsaavagineqarnissaat kalaallit inatsisinik atuutsitsinermi suliassaqarfianni ineriarforfiunissaanut pingaaruteqartorujussuovoq, tamannalumi aamma Naalakkersuisut Inatsisinik atuutsitsinermut suliassaqarfimmii periusissatut suliniutissanullu pilersaarutaanni ilanngunneqarsimavoq.

Eqqartuussiveqarneq pillugu ataatsimiititaliarsuaq isumaliutissiissutip suliarineranut atallugu isumaqarsimavoq pinerluttup inuiaqatigiinnut akuleruteqqinnissa ukkatarineqarnissa pingaarutilittut akuussasoq, peqatigitilluguli eqqugaasut ikiorneqarnissaasa pisariaqartinneqarnerata ukkatarineqarnissa assinganik piumasaqaatigineqassasoq. Tamanna pissutigalugu ataatsimiititaliarsuup eqqugaasup inissisimanerata patajaallisarneqarnissa pillugu arlalinnik suliniuteqartoqassasoq siunnersuutigaa.

Eqqugaasumut imaluunniit eqqugaasoq toqukkut qimagussimappat, eqqugaasup qanigisaanut qimagaasunut pineqartup inatsisitigut inissisimanera pillugu ilitsersuisarnissap politiinut pisussaaffinngornissa siunnersuummi matumani ilaatigut siunertarineqarpoq. Tamanna Naalakkersuisut kinguaassiuutitigut atornerluisarneq akiorniarlugu periusisiaannut Killiliisamut naapertuuppoq. Meeqnanut nakuusernerit, pinngitsaaliinerit aamma kinguaassiuutitigut atornerluinerit pillugit suliat oqartussanut nutartaqanngikkaluartut suliaq eqqugaasumut immikkullarissuovoq, taamatullu oqartussaniit suliarineqartariaqarluni.

Tamatuma saniatigut pinerluuteqarsimasup isertitsivimmiit anineri pillugu, eqqugaasut kissaatigippassuk, kalerrinneqarsinnaanermik periarfissiineq siunnersuutikkut qulakkeerneqarpoq.

Pisut immikkorluinnaq pisariaqartissimappassuk siunnersuummi pinerlineqartumut ikuuttussamik pissarsisinnaanerup siunnersuummi annertusinera aamma nuannaarutissaavoq. Tamanna Naalakkersuisuniit sivisuumik kissaatigineqarlunilu pingartinneqarsimavoq.

Tamatuma saniatigut eqqugaasunut naalagaaffimmiit taarsiissutit pillugit inatsimmi allannguutit arlallit Kalaallit Nunaannut atuutsinnejalissapput. Taakku inatsimmi piumasaqaatit sinneri naammassineqarsimappata, pinerluttulerinermi suliap suliarinerani unnerluunneqartup pinngitsuutitaanera apeqquatainnagu, taava eqqugaasoq taarsissutisisinnaatitaaneranik ilaatigut allannguutit kingunerissavaat. Tamatuma saniatigut qaqugukkut politiinut nalunaarutiginnissinnaanermut piffissaliussaq sivitsorneqassasoq aamma 3.500 kr.-nit angullugit piumasanut sukkasuumik tunniussisoqartassasoq siunnersuutigineqarpoq.

Kalaallit Nunaanni eqqartuussisarnermik inatsisip inatsisillu assigiinngitsut allat allanngortinnissaannut siunnersuutit (Politiit pillugit aaqqissuusseqqinnerup piviusunngortinnejarnera aamma politiinik naammagittaalliuutiginnissinnaanermik nutaamik aaqqissuussaq il.il.) ataatsimiinnermi matumani Naalakkersuisunit saqqummiunneqassapput. Inatsisissatut siunnersuutit marluusut akornanni qaleriittoqartassaaq, tamatumalu siunnersuutini marluusuni aalajangersakkat ataasiakkaat taaneqartarnissaat kingunerissavaa. Inatsisissatut siunnersuut sorleq Folketingimi siulliullugu suliarineqassanersoq apeqquataalluni siunnersuutip aappa tamatuma kingorna iluarsineqarumaarpoq.

Pisortani aningaasarsiornikkut allaffissornikkullu kingunerisassat

Soqanngilaq.

Aningaasaqarnikkut allaffissornikkullu namminersorlutik inuussutissarsiutilinnut kingunerisassat

Soqanngilaq.

Innuttaasunut aningaasaqarnikkut allaffissornikkullu kingunerisassat

Soqanngilaq.

Tusarniaaneq

Justitsministeeriaqarfiup tusarniaaneq isumagaa, tusarniaanermilu kalaallit oqartussaasui attuumassuteqartut peqataatinneqarsimapput.

Tusarniaanermut akissutit pillugit tamakkiisumik takussutissiaq oqaaseqaasertalersugaq suliarineqareerpoq.

Ilanngussat

1. Eqikkaaneq - Kalaallit Nunaanni eqqartuussisarnermik inatsisip allanngortinnissaanut inatsisisstatut siunnersummut missingiut (Pinerlunnernit eqqorneqartut inatsisitigut inissisimanagerannik pitsangorsaaneq) kiisalu pinerlunnernit eqqorneqartunut naalagaaffimmit taarsiissutit pillugit inatsisip allanngortinneqarnissaanik inatsisit assigiinngitsut kunngip peqqussutaatigut Kalaallit Nunaannut atortuulernernissaannut peqqussutissatut missingiut
2. Kalaallit Nunaanni eqqartuussisarnermik inatsisip allanngortinnissaanut inatsimmut missingiut (Pinerlunnernit eqqorneqartut inatsisitigut inissisimanagerannik pitsangorsaaneq)
3. Pinerlunnernit eqqorneqartunut naalagaaffimmit taarsiissutit pillugit inatsisip allanngortinneqarnissaanik inatsisit assigiinngitsut kunngip peqqussutaatigut Kalaallit Nunaannut atortuulernerannik peqqussummut missingiut
4. Kalaallit Nunaanni eqqartuussisarnermik inatsisip allanngortinnissaanut inatsisisstatut siunnersummut missingiummut (Pinerlunnernit eqqorneqartut inatsisitigut inissisimanagerannik pitsangorsaaneq) tusarniaassummut akissuteqaatit pillugit takussutissiaq oqaaseqaasersugaq